

Ugovor o isporuci roba

I UGOVORNE STRANE

KJP „ZOI'84 OCS“ d.o.o. Sarajevo

Sjedište: Alipašina bb, 71000 Sarajevo
Koga zastupa direktor mr. Midhat Hubijar
Identifikacijski broj: 4200347000004
(u daljem tekstu: Naručilac)

i

ENERGOINVEST-SUE dd Sarajevo

Sjedište: Tvornička 3, 71000 Sarajevo
Koga zastupa Suzan Hota
Identifikacijski broj: 4200420360006
Porezni identifikacijski broj: 200420360006
Transakcijski broj banke, ime i sjedište banke: 3383202250130543 Unicredit bank (u daljem tekstu: Izvršilac)

II PREDMET UGOVORA

Član 1.

Predmet ovog ugovora je nabavka i ugradnja agregata za pomoćno napajanje električnom energijom u objektu Zetra za potrebe KJP ZOI'84 OCS d.o.o. Sarajevo prema Tenderskoj dokumentaciji broj 2592/17 i Ponudi ponuđača, broj 1337-es/17 od 30.10.2017. godine, koji su u prilogu ovog Ugovora i čine njegov sastavni dio.

III OBAVEZE IZVRŠIOCA

Član 2.

Izvršilac se obavezuje:

- da robe koje su predmet ovog Ugovora isporuči i ugradi u skladu sa Ponudom iz člana 1. ovog Ugovora, važećim tehničkim i drugim propisima koji regulišu ovu materiju, tehničkom dokumentacijom i ovim Ugovorom;
- da se pridržava propisanih mjera za zaštitu zdravlja i bezbjednosti na radu za sve svoje zaposlene i sva druga lica na mjestima koja mogu biti ugrožena;
- uz svu navedenu opremu dostavi sve neophodne dijelove, materijale koji čine operativni dio svake komponente, a koji su neophodni za normalno funkcionisanje opreme;
- navedenu opremu isporuči na lokaciju ugovornog organa;
- izvrši obuku ovlaštenih osoba predstavnika ugovornog organa za bezbjedno rukovanje agregatom i dosipanje goriva.;
- isporuči revizionu knjigu agregata sa numerisanim stranama i ispisom potrebnih osnovnih podataka.

IV CIJENA I NAČIN PLAĆANJA

Član 3.

(1) Ukupna vrijednost predmetnog ugovora iznosi **146.811,60 KM** (slovima: jednastotinačetdesetšesthiljadaosamstotinajedanaest i 60/100 konvertibilnihmaraka) sa uključenim PDV-om, odnosno **125.480,00 KM** (slovima:

jednastotinadvadesetpethiljadačetiristotneosamdeset i 00/100 konvertibilnihmaraka) bez uključenog PDV-a.

(2) Cijena iz stava 1. ovog Ugovora obuhvata cijenu predmetne opreme, uslugu ugradnje i povezivanja istih na električnu instalaciju objekta Naručioca, kao i sve prateće troškove vezane za isporuku i ugradnju predmetne opreme.

Član 4.

(1) Naručilac će izvršiti plaćanje iz člana 3. stava (1) ovog Ugovora nakon izvršene isporuke, ugradnje i povezivanja na električnu instalaciju predmetne opreme, dostavljanja Zapisnika iz člana 5. ovog Ugovora u roku od 30 (trideset) dana od dana prijema kod Naručioca ispostavljene fakture od strane Isporučioca.

(2) Isporučilac se obavezuje da prilikom ispostavljanja fakture Naručiću, u istoj navede jedinične cijene opreme, količinu i vrstu.

Član 5.

(1) Mjesto isporuke i instalacije opreme iz člana 1. ovog Ugovora je OJ Zetra, Alipašina bb, Sarajevo.

(2) Rok isporuke i ugradnje je 7 (sedam) dana od dana stupanja Ugovora na snagu.

(3) Kvalitativno - kvantitativni prijem opreme vršiće se potpisivanjem Zapisnika od strane ovlaštenih lica oba ugovarača.

(4) Isporučilac se obavezuje da će Naručiću isporučiti opremu odgovarajućeg kvaliteta, novu, nekorištenu, koja odgovara tehničkim standardima i propisima koji važe za ovu vrstu opreme, u suprotnom je dužan Naručiću nadoknaditi štetu u potpunosti i prema pozitivnim propisima o naknadi štete.

(5) Izvršilac je dužan nakon isporuke, ugradnje i povezivanja opreme iz člana 1. ovog Ugovora na električnu instalaciju, a u prisustvu ovlaštenog lica Naručioca izvršiti funkcionalno ispitivanje i provjeru rada istog.

(6) Po okončanju isporuke i ugradnje Izvršilac je dužan isporučiti Naručiću svu tehničku dokumentaciju, garantne listove za opremu, kao i uputstva za rukovanje na jednom od službenih jezika u BiH.

Član 6.

(1) Garantni rok ponuđene opreme je 24 mjeseca koji se računa od dana ugradnje i povezivanja agregata na električnu instalaciju. U toku garantnog perioda obaveza izabranog ponuđača je da jednom mjesečno izvrši pregled i kontrolu rada agregata i provjeri ispravnost puštanjem u rad i da u najkraćem mogućem primjerenom roku otklanja sve utvrđene nedostatke na predmetnoj opremi ukoliko ih bude, o svom trošku u garantnom periodu. Isporučilac je dužan da o svom trošku u garantnom roku izvrši tehničke servise prema uputstvu proizvođača elektro agregata, a potrošni materijal obezbjeđuje Naručilac.

U slučaju da ponuđač nije u mogućnosti da otkloni neodastatke na predmetnoj opremi, u garantnom roku obavezan je da isporuči novu opremu, sa istim tehničkim karakteristikama, novu, nekorištenu, iz tekuće proizvodnje, u kom slučaju garantni rok počinje teći iznova.

(2) U garantnom roku ponuđač je dužan pružiti sljedeći nivo servisnih usluga:

- Odziv na zahtjev za obezbjeđenje tehničke podrške u roku od manje od 2 sata. Pod ovim se podrazumijeva maksimalno vrijeme u kome će se ponuđač odazvati na poziv za pomoć od strane korisnika;

- Vrijeme između odziva na zahtjev i dolaska na lokaciju u slučaju potreba za intervenciju ponuđača na lokaciji korisnika u roku od 24 sata. Prilikom dolaska na lokaciju ponuđač je dužan obezbijediti zamjenski računar (ili ako je moguće dio) ukoliko nije u stanju da na licu mjesta otkloni hardverski problem na računaru koji ga čini neupotrebljivim;
- Vrijeme između prve intervencije ponuđača na lokaciji korisnika i konačnog otklanjanja problema u roku od manje od 7 dana. Pod otklanjanjem problema se podrazumijeva i zamjena privremenom opremom istih karakteristika;
- Nakon isteka garantnog roka, dobavljač je dužan osigurati postojanje servisa na području Kantona Sarajevo kao i rezervnih dijelova za isporučenu opremu minimalno u trajanju od 5 godina, što će biti predmet eventualnog naknadnog ugovaranja na godišnjem nivou;
- Pod vremenom obezbjeđivanja servisnih usluga se podrazumijeva period ponedjeljak – petak od 8 do 15 sati osim zvaničnih državnih praznika na području na kome se nalazi korisnik.

Član 7.

O eventualnim nedostacima u kvalitetu predmetne nabavke Naručilac će Izvršioca izvijestiti odmah, a najkasnije u roku od 3 (tri) dana od dana isporuke.

Član 8.

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- za Naručioca: Haris Smailhodžić, 033 / 276-142 ;
- za Izvršioca: Edin Šehović, tel. 061 157-073.

V STUPANJE NA SNAGU I RJEŠAVANJE SPOROVA

Član 9.

(1) Ovaj Ugovor stupa na snagu danom obostranog potpisivanja od strane ovlaštenih lica sporazumnih strana.

(2) Ukoliko Izvršilac ne bude poštivao odredbe iz ovog Ugovora, dužan je na ime ugovorne kazne fakturu za isporučenu robu umanjiti za iznos od 50,00 KM za svaki započeti dan kašnjenja do izvršenja Ugovora a najviše do 10% od ukupno ugovorenog iznosa.

Član 10.

Svaka od sporazumnih strana može pokrenuti postupak raskida Ugovora ako druga strana ne izvršava preuzete utvrđene obaveze, uz otkazni rok od 15 (petnaest) dana.

Član 11.

Eventualno nastale sporove pri realizaciji ovog Ugovora, sporazumne strane će rješavati mirnim putem, u protivnom ugovara se nadležnost suda opšte stvarne nadležnosti u Sarajevu.

VI OSTALE ODREDBE

Član 12.

Naručilac nema pravo da u svrhu izvršenja ovog Ugovora zapošljava, fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje šest mjeseci po stupanju na snagu istog.

Član 13.

Za sve što nije regulisano ovim Ugovorom primjenjivaće se odredbe propisa o obligacionim odnosima u Bosni i Hercegovini.

Član 14.

Punovažne i obavezujuće su samo one izmjene i dopune ovog Ugovora koje su sporazumne strane sačinile sporazumno i u pisanoj formi.

Član 15.

Ovaj Ugovor je sačinjen u 4 (četiri) istovjetna primjerka od kojih svaka sporazumna strana zadržava po 2 (dva) primjerka.

Za Izvršioca

Za Naručioca

Suzan Hota, direktor
ENERGOINVEST-SUE dd Sarajevo

mr. sci. Midhat Hubijar,
direktor KJP „ZOI'84 OCS“ d.o.o.

Datum: _____ 2017. godine

Datum: _____ 2017. godine

Broj:

Broj: